

ქ. თბილისის მონიციპალიტეტის მერია
ჩუღურეთის რაიონის გამგეობა



CPV-71300000/71320000

ქ. თბილისის ჩუღურეთის რაიონის ტერიტორიაზე საყრდენი კედლებისა
და ქუჩების დამაკავშირებელი კიბის მოწყობის საპროექტო
სახარჯთაღრიცხვო დოკუმენტაციის შედგენის მომსახურების
სახელმწიფო შესყიდვა გამარტივებული
ელექტრონული ტენდერის საშუალებით

სატენდერო დოკუმენტაცია

ქ. თბილისი

2015 წელი

სარჩევი

1. ინფორმაცია ტენდერში
მონაწილეთათვის.....
2. ტექნიკური
დოკუმენტაცია.....
3. სახელმწიფო შესყიდვის შესახებ ხელშეკრულების
პროექტი.....
4. დამატებითი
ინფორმაცია.....
5. დანართი N1,
6. დანართი N2
7. დანართი N3

1.ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული

ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში - ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში, ისინი წარმოდგენილი უნდა იყოს ორიგინალის სახით და მათ უნდა დაერთოს ორიგინალის ნოტარიულად დამოწმებული ქართული თარგმანი (ასლის შემთხვევაში - აპოსტილით დამოწმებული ასლის ნოტარიულად დამოწმებული ქართული თარგმანი).

1.3 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

2. ტექნიკური დოკუმენტაცია

2.1 ანგარიშსწორების პირობები:

2.1.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.1.2. ანგარიშსწორების ფორმა-უნაღდო;

2.1.3. ანგარიშსწორება მოხდება მხარეთა შორის მიღება-ჩაბარების აქტის გაფორმებიდან 20 (ოცი) საბანკო დღის განმავლობაში.

2.1.4. საავანსო ანგარიშსწორება არ გამოიყენება.

2.2. შესყიდვის ობიექტის ტექნიკური პარამეტრები:

2.2.1 შესყიდვის ობიექტს წარმოადგენს:

ქ. თბილისის ჩუღურეთის რაიონის ტერიტორიაზე არსებული საყრდენი კედლებისა და ქუჩის დამაკავშირებელი კიბის საპროექტო სახარჯთაღრიცხვო დოკუმენტაციის შედგენის მომსახურების მიწოდება შემსყიდველისთვის- შემდეგი ობიექტების მიხედვით:

	მოსაწყობი საყრდენი კედლების მისამართების ჩამონათვალი	სავარაუდო პარამეტრები სიგრძე-სიმაღლე
1	აფხაზეთის ქ. №16	2,8მ/20მ
2	მნათობის ქ. №15	3მ/18მ
3	1 ახალი არსენალის ქ. №6	5მ/15მ
4	ბოდავის ქ. №20	2,5მ/17მ
5	მარჯანიშვილის ქ. №67ა	3მ/20მ
6	გედევანიშვილის ქ. №27	2მ/20მ
7	ხუდადოვის ქ. №51	3მ/15მ
8	დავითაშვილის ქ. №64	5მ/30მ
9	ჩაისუბნის ქ. №7ა (ბუხაიძის ქუჩის მხარე)	3მ/30მ
10	სალიას ქ. №60	4მ/15მ
11	ფშავის ქ. №4 და გედევანიშვილის ქ. დამაკავშირებელი კიბე	100 მ

მიმწოდებელმა უნდა მოახდინოს:

– შემსყიდველის მიერ მითითებულ ობიექტებზე გასვლა, საკვლევაძიებო სამუშაოების ჩატარება, ჩასატარებელი სამუშაოების მოცულობების დათვლა და შესაბამისად საპროექტო სახარჯთაღრიცხვო დოკუმენტაციის შედგენა, როგორც ბეჭდური ისე ელექტრონული ფორმით.

– შესასრულებელი სამუშაოების საპროექტო სახარჯთაღრიცხვო დოკუმენტაციის შედგენისას უნდა იხელმძღვანელოს ქვეყანაში მოქმედი სამშენებლო ნორმებით და სტანდარტებით.

– მიმწოდებელმა უნდა უზრუნველყოს სამუშაოთა განხორციელების პროცესში, კონსულტაციების გაწევა, საჭიროების შემთხვევაში საპროექტო დოკუმენტაციის კორექტირება, საყრდენი კედლის მოწყობის სამუშაოების მთელი პერიოდის განმავლობაში.

წარმოდგენილი უნდა იყოს:

- განმარტებითი ბარათი;
- ტერიტორიის საინჟინრო-გეოლოგიური კვლევა ;
- ტერიტორიის ვერტიკალური გეგმარება, გრუნტის პროფილების გამოხაზვით;
- საყრდენი კედლის კონსტრუირება (განშლები და სამუშაო ნახაზები)

- მშენებლობის ორგანიზაციის პროექტის შედგენა;
- მშენებლობის ხარჯთაღრიცხვის შედგენა მიმდინარე საბაზრო ფასებით;
- სრული საპროექტო დოკუმენტაციის წარმოდგენას ელექტრონული ვერსიითა და ნაბეჭდი სახით (4 ეგზემპლიარად);

2.3. მიწოდების პირობები და ვადები:

2.3.1. მომსახურება უნდ განხორციელდეს ხელშეკრულების გაფორმებიდან 60 კალენდარულ დღეში (მათ შორის ექსპერტიზის მომსახურების ვადის (20 დღე) გათვალისწინებით)

2.3.2. მიმწოდებელი ვალდებულია ხელშეკრულების გაფორმებიდან 40 (ორმოცი) კალენდარული დღის ვადაში შემსყიდველს წარმოუდგინოს სრული საპროექტო სახარჯთაღრიცხვო დოკუმენტაცია.

2.3.3. მიმწოდებელი ვალდებულია, შემსყიდველ ორგანიზაციაში საპროექტო-ტექნიკური დოკუმენტაციის წარმოდგენიდან 20 კალენდარული დღის ვადაში უზრუნველყოს შემსყიდველის მიერ შერჩეულ საექსპერტო ჯგუფის დადებითი დასკვნის წარმოდგენა.

2.3.4. საპროექტო-ტექნიკური დოკუმენტაციის მიღება-ჩაბარება განხორციელდება ჩუღურეთის რაიონის გამგეობის თანამშრომლების მიერ შემსყიდველის მიერ შერჩეული საპროექტო ჯგუფის დასკვნის საფუძველზე.

2.3.3. დოკუმენტაციის მიწოდების ადგილი – ქ. თბილისის. დავით აღმაშენებლის გამზირი №65, ჩუღურეთის რაიონის გამგეობის ადმინისტრაციული შენობა;

2.4 პრეტენდენტის მიერ ერთიან ელექტრონულ სისტემაში ასატვირთი მონაცემები:

ა) რეკვიზიტები, დანართი №1-ის მიხედვით.

ბ) გასაწევი მომსახურების ხარჯთაღრიცხვა დანართი №2-ის მიხედვით

გ) ინფორმაცია ანალოგიური მომსახურეობის შესახებ დანართი №3-ის მიხედვით

შენიშვნა:

1. პრეტენდენტის მიერ ელექტრონულ სისტემაში ატვირთული სატენდერო დოკუმენტაცია უნდა იყოს ბეჭდით დამოწმებული და ხელმოწერილი უფლებამოსილი პირის მიერ.
2. პრეტენდენტის მიერ სატენდერო წინადადების წარმოდგენა ნიშნავს, რომ იგი ეთანხმება შემსყიდველის ყველა იმ მოთხოვნას, რომელიც აღწერილია სატენდერო დოკუმენტაციაში.
3. პრეტენდენტს უნდა გააჩნდეს 2012-2014 წლების განმავლობაში (საყრდენი კედლების მოწყობის სამუშაოების) საპროექტო-სახარჯთაღრიცხვო დოკუმენტაციის შედგენის ჯამურად არანაკლებ 22000 ლარის განხორციელებული ანალოგიური მომსახურების გამოცდილება.

ხელშეკრულება სახელმწიფო შესყიდვის შესახებ № (პროექტი)

(ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების დროს)

ქ. თბილისი

– ——— 2015 წელი

ერთის მხრივ ქ. თბილისის ჩუღურეთის რაიონის გამგეობა, მდებარე: ქ. თბილისი, დავით აღმაშენებლის გამზ. №65 (შემდგომში „შემსყიდველი“), რაიონის გამგებლის –ზურაბ ჩიკვილაძის სახით და მეორეს მხრივ „-----“, ს/კ -----, მდებარე: ქ. თბილისი, ----- (შემდგომში „მიმწოდებელი“), ხელმძღვანელის – ----- სახით, ვხელმძღვანელობთ რა საქართველოში მოქმედი კანონმდებლობით, გამგეობის მიერ ჩატარებული გამარტივებული ელექტრონული ტენდერის საფუძველზე, ვდებთ წინამდებარე ხელშეკრულებას შემდეგზე:

1. შესყიდვის ობიექტი

შესყიდვის ობიექტია: ქ. თბილისის ჩუღურეთის რაიონის ტერიტორიაზე საყრდენი კედლებისა და ქუჩის დამაკავშირებელი კიბის მოწყობის საპროექტო სახარჯთაღრიცხვო დოკუმენტაციის შედგენის მიწოდება.

1.1. შესყიდვის ობიექტის მიაპართები და მომსახურების ფასები მოცემულია ხელშეკრულების დანართში.

2. ხელშეკრულების ჯამური ღირებულება

2.1. ხელშეკრულების ჯამური ღირებულება შეადგენს --- ლარს.

2.2 ხელშეკრულების ჯამური ღირებულება უნდა მოიცავდეს მიმწოდებლისათვის მოქმედი კანონმდებლობით განსაზღვრულ ყველა გადასახდელს.

3. შესყიდვის ობიექტის მიწოდების ვადები, ადგილი და პირობები

3.1. შესყიდვის ობიექტის მიწოდების ვადაა ხელშეკრულების გაფორმებიდან 60 კალენდარული დღე (მათ შორის ექსპერტიზის მომსახურების ვადის (20 დღე) გათვალისწინებით).

3.2. მომსახურების გაწევის ადგილი – ქ. თბილისი, ჩუღურეთის რაიონის ტერიტორია.

4. ხელშეკრულების მოქმედების ვადა

4.1 ხელშეკრულება ძალაში შედის მხარეთა მიერ ხელმოწერის დღიდან და მოქმედებს ხელშეკრულებით გათვალისწინებული ვალდებულებების სრულ და ჯეროვან შესრულებამდე.

5. შესყიდვის ობიექტის მიღება-ჩაბარების წესი

5.1. შესყიდვის ობიექტის მიღება ფორმდება მიღება-ჩაბარების აქტით, რომელიც დადასტურდება “შემსყიდველისა” და „მიმწოდებლის“ მიერ საამისოდ უფლებამოსილი წარმომადგენლების ხელმოწერებით.

5.2. მიღება-ჩაბარების აქტის გაფორმების საფუძველს წარმოადგენს ინსპექტირების ჯგუფის მშენებლობაზე ზედამხედველობისა და ლაბორატორიული კვლევის განმხორციელებელი შემსყიდველის მიერ შერჩეული შესაბამისი ორგანიზაციის დადებითი დასკვნები და “მიმწოდებლის” მიერ წარმოდგენილი ანგარიშები.

5.3. მიღება-ჩაბარების აქტის გაფორმებასთან ერთად „შემსყიდველს“ წარედგინება ანგარიშსწორებისათვის საჭირო ყველა სხვა დოკუმენტი.

6. ხელშეკრულების ობიექტის ხარისხი და გარანტია

6.1. მიმწოდებელი იღებს ვალდებულებას, რომ შესყიდვის ობიექტი იქნება სტანდარტებთან შესაბამისობაში.

6.2. შესყიდვის ობიექტის ხარისხი უნდა შეესაბამებოდეს შემსყიდველის მოთხოვნებს.

6.3. „შემსყიდველი“ ვალდებულია წერილობითი ფორმით დაუყოვნებლივ აცნობოს „მიმწოდებელს“ ნაკლის აღმოჩენის შესახებ.

6.4. შეტყობინების მიღების შემდეგ 3 (სამი) სამუშაო დღის განმავლობაში „მიმწოდებელი“ ვალდებულია აღმოფხვრას არსებული დეფექტები საკუთარი ხარჯით. საგარანტიო პერიოდში მიმწოდებელს დაეკისრება, როგორც ხელშეკრულების ობიექტის დეფექტების აღმოფხვრა, ასევე აღნიშნული დეფექტების შედგად შემსყიდველისა და მესამე პირებისათვის მიყენებული ზიანის ანაზღაურება.

6.5. თუ „მიმწოდებელი“ ნაკლის აღმოფხვრასთან დაკავშირებით მიღებული შეტყობინების შემდეგ არ შეასრულებს თავის ვალდებულებებს, „შემსყიდველს“ უფლება აქვს „მიმწოდებლის“ ხარჯით უზრუნველყოს არსებული დეფექტების გამოსწორება.

7. ანგარიშსწორების ფორმა, გრაფიკი (ვადები) და ადგილი

7.1. „მიმწოდებელთან“ ანგარიშსწორება განხორციელდება ლარში;

7.2. შესყიდვის ობიექტის ღირებულების ანაზღაურება მოხდება უნაღდო ანგარიშსწორებით;

7.3. წინასწარი ანგარიშსწორება გათვალისწინებული არ არის.

7.4. ანგარიშსწორება მოხდება ეტაპობრივად, მხარეთა შორის მიღება-ჩაბარების აქტის გაფორმების და წარმოდგენილი პროექტის ექსპერტიზის გავლის შემდეგ, დადებითი საექსპერტო დასკვნის საფუძველზე. საექსპერტო დასკვნის გაფორმებიდან 20 (ოცი) საბანკო დღის განმავლობაში.

7.5 იმ შემთხვევაში თუ „მიმწოდებელი“ დაარღვევს ხელშეკრულებით განსაზღვრულ ვადებს დაეკისრება პირგასამტეხლოს გადახდა, „შემსყიდველი“ უფლებამოსილია უარი თქვას სანაცვლო ვალდებულების შესრულებაზე მიმწოდებლის მიერ პირგასამტეხლოს თანხის სრული ოდენობით დაფარვამდე.

7.6. ანაზღაურების ადგილია ქალაქი თბილისი.

8. მხარეთა უფლება-მოვალეობანი

8.1 „შემსყიდველს“ უფლება აქვს:

- შეამოწმოს მიწოდებული სამუშაოს შესაბამისობა ხელშეკრულებით გათვალისწინებულ პირობებთან.
- განახორციელოს კონტროლი და ზედამხედველობა მიმწოდებლის მიერ ხელშეკრულების პრობების დაცვაზე.
- უარი თქვას უხარისხო სამუშაოს მიღებაზე.

8.2 „შემსყიდველი“ ვალდებულია:

- წერილობით აცნობოს „მიმწოდებელს“ სამუშაოს მიწოდებასთან დაკავშირებული ყველა განსაკუთრებული გარემოების შესახებ.
- მოახდინოს ანგარიშსწორება „მიმწოდებელთან“ ხელშეკრულებით გათვალისწინებული პირობების შესაბამისად;
- დაიცვას ხელშეკრულების სხვა პირობები.

8.3 „მიმწოდებელს“ უფლება აქვს:

- მოსთხოვოს „შემსყიდველს“ მიწოდებული სამუშაოს ღირებულების ანაზღაურება ხელშეკრულებით გათვალისწინებული პირობებით.

8.4 „მიმწოდებელი“ ვალდებულია:

- გააფრთხილოს „შემსყიდველი“ სამუშაოს მიწოდების პროცესში შეფერხების შესახებ.
- დაიცვას ხელშეკრულებით გათვალისწინებული ყველა პირობა.

9. მხარეთა პასუხისმგებლობა ხელშეკრულების დარღვევისას

9.1. ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის, არაჯეროვნად შესრულების ან/და დაგვიანებით შესრულების შემთხვევაში გამოიყენება საჯარიმო სანქციები.

9.2. მიმწოდებელი ვალდებულია ხელშეკრულების გაფორმებიდან 40 კალენდარული დღის ვადაში წარმოადგინოს შესაბამისი საპროექტო სახარჯთაღრიცხვო დოკუმენტაცია.

9.3. მიმწოდებელი ვალდებულია უზრუნველყოს 20 კალენდარული დღის ვადაში შემსყიდველის მიერ შერჩეულ საექსპერტო ჯგუფის დადებითი დასკვნის წარმოდგენა.

9.4. მიმწოდებელი იღებს ვალდებულებას მომსახურების გაწევის საბოლოო ვადის დარღვევის შემთხვევაში გადაუხადოს პირგასამტეხლო შემსყიდველს ყოველ ვადაგადაცილებულ დღეზე

ხელშეკრულების საერთო ღირებულების 0,5 %-ის ოდენობით.

9.5. წინარე ხელშეკრულებით გათვალისწინებული ვალდებულებების საბოლოო ვადის 15 კალენდარულ დღეზე მეტი ვადით გადაცილების შემთხვევაში მიმწოდებელს შეუწყდება ხელშეკრულება და დაჯარიმდება ხელშეკრულების ღირებულების 5% -ის ოდენობით.

9.7. საჯარიმო სანქციით დაკისრებული თანხა გადახდილი უნდა იქნეს მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან 1 თვის ვადაში.

10. ხელშეკრულების პირობების გადასინჯვის შესაძლებლობა

10.1 არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10.3. ფასების ცვლილების შესახებ ამ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებას.

10.4. წინამდებარე ხელშეკრულებით გათვალისწინებული პირობების შეცვლა დაუშვებელია, თუ ამ ცვლილებების შედეგად უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.5. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

10.6. ხელშეკრულებაში პირობების ცვლილება ფორმდება დანართის სახით და წარმოადგენს ხელშეკრულების განუყოფელ ნაწილს.

11. ხელშეკრულების შესრულების შეფერხება

11.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

11.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

11.3. „შემსყიდველს“ შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი მომსახურება ან მისი ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

გ) იმ შემთხვევაში თუ „მიმწოდებლის“ მხრიდან მიწოდების ვადების დარღვევის პერიოდი აღემატება 15 კალენდარულ დღეს „შემსყიდველს“ უფლება აქვს შეწყვიტოს ხელშეკრულება და დაავალოს „მიმწოდებელს“ პირგასამტეხელო ხელშეკრულების ღირებულების 5%-ის ოდენობით.

11.4. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

11.5. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

- ბ) მიმწოდებლის გაკოტრების შემთხვევაში;
 - გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;
 - დ) იმ შემთხვევაში, თუ მიმწოდებლის მხრიდან მიწოდების ვადების დარღვევის პერიოდი აღემატება 10 კალენდარულ დრეს.
 - ე) საქართველოს კანონმდებლობით გათვალისწინებულ სხვა შემთხვევებში.
- 11.6 ამ მუხლის მე-3 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული მომსახურების ღირებულება.

12. ფორს-მაჟორი

12.1. მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწვეს შესაბამისი დროით, გარემოებათა დასრულების შემდეგ.

12.2. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

12.3. მხარე, რომელსაც შეექმნა ფორს-მაჟორული გარემოება დაუყოვნებლივ წერილობით აცნობებს ამის შესახებ მეორე მხარეს.

13. დაგები და მათი გადაწყვეტის წესი

13.1. ხელშეკრულების შესრულებისას მხარეთა შორის წამოჭრილი დაგები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

13.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

14. ხელშეკრულების ინსპექტირების პირობები

14.1. „შემსყიდველი“ უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.

14.2. ხელშეკრულების ინსპექტირებას შემსყიდველის მხრიდან განახორციელებს

გამგეობის ინფრასტრუქტურის განვითარების განყოფილება

14.3. შემოწმების შედეგად გამოვლენილი ნებისმიერი ნაკლის ან დეფექტის შესახებ „შემსყიდველი“ დაუყოვნებლივ წერილობით აცნობებს „მიმწოდებელს“ წუნდების მიზეზების მითითებით.

14.4. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება „მიმწოდებელს“, საქართველოს კანონმდებლობით დადგენილი წესით.

15. სხვა პირობები

15.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.2. მესამე პირთან ურთიერთობაში მხარეები მოქმედებენ საკუთარი სახელით, ხარჯითა და რისკით.

15.3. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

15.5 ყველა დანართი და ხელშეკრულების დამატება, რომელიც ხელმოწერილია მხარეთა უფლებამოსილი წარმომადგენლების მიერ ითვლება ხელშეკრულების განუყოფელ

ნაწილად და სავალდებულოა შესასრულებლად.

15.6 მხარეები სრულად არიან პასუხისმგებელი მათ მიერ ხელშეკრულებაში მითითებული რეკვიზიტების სისწორეზე. რეკვიზიტების ცვლილების თაობაზე მეორე მხარეს ეცნობება წერილობით.

15.7 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება დეპეშის, ტელექსის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით. იმ შემთხვევაში თუ მხარისათვის შეტყობინების გადაცემა ვერ ხერხდება ხელშეკრულებაში აღნიშნულ მისამართზე იმის გამო, რომ მისამართი არასწორადაა მითითებული, შეტყობინება ჩაითვლება ჩაბარებულად და შეტყობინებაში მითითებული ვადების ათვლა განხორციელდება საფოსტო გზავნილის შესაბამის მისამართზე წარდგენის მომდევნო დღიდან.

16. მხარეთა იურიდიული მისამართები და რეკვიზიტები

„შემსყიდველი“

„მიმწოდებელი“

ქ. თბილისის ჩუღურეთის
რაიონის გამგეობა ს/კოდი: 202467320
მის: დავით აღმაშენებლის გამზირის №65
სს „ლიბერთი ბანკი“ ცენტრ. ფილიალი
ა/ა № GE95LB0125152101627000
ბანკის კოდი LBRTGE22

დამატებითი ინფორმაცია:

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვისშემთხვევაში.

ქ. თბილისი, ჩუღურეთის რაიონის გამგეობა, დავით აღმაშენებლის გამზირი №65.
სატენდერო კომისიის აპარატის წევრი:

– კობა ცინცაძე 599 18 21 81

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშსწორების ანგარიში:

პრეტენდენტი ორგანიზაციის

ხელმძღვანელის ხელის მოწერა

ბ.ა

გასაწევი მომსახურების ხარჯთაღრიცხვა

	მოსაწეობი საყრდენი კედლების მისამართების ჩამონათვალი	პროექტის ღირებულება
1	ავხაზეთის ქ. №16	
2	მნათობის ქ. №15	
3	1 ახალი არსენალის ქ. №6	
4	ბოდავის ქ. №20	
5	მარჯანიშვილის ქ. №67ა	
6	გედევანიშვილის ქ. №27	
7	ხუდადოვის ქ. №51	
8	დავითაშვილის ქ. №64	
9	ჩაისუბნის ქ. №7ა (ბუხაიძის ქუჩის მხარე)	
10	სალიას ქ. №60	
11	ფშავის ქ. №4 და გედევანიშვილის ქ. დამაკავშირებელი კიბე	
	სულ	

ბ.ა

ინფორმაცია
2012-2014 წლების განმავლობაში განხორციელებული ანალოგიური
მომსახურების შესრულების შესახებ

წარმოდგენილი უნდა იყოს შემდეგი ფორმით:

№	მომსახურების დასახელება	შემსყიდველის დასახელება	ხელშეკრულების ღირებულება	ფაქტიურად შესრულებული მომსახურების ღირებულება	შენიშვნა
1.					
2.					
3.					

ტენდერში მონაწილე პრეტენდენტის
(ფიზიკური ან იურიდიული პირი)
ხელმძღვანელის ხელმოწერა

ბ.ა

შენიშვნა:

პრეტენდენტმა უნდა წარმოადგინოს 2012-2014 წლებში საყრდენი კედლების მოწყობის სამუშაოების
საპროექტო-სახარჯთაღრიცხვო დოკუმენტაციის შედგენის მომსახურებაზე გაფორმებული
ხელშეკრულების ასლები. შესყიდველის მოთხოვნის შემთხვევაში წარმოდგენილი უნდა იქნას
ასევე შესრულებული მომსახურების დამადასტურებელი დოკუმენტაცია – მიღება-ჩაბარების
აქტ(ებ)ი.